大乘廣五蘊論一卷二

安慧菩薩 造

大唐²·中天竺國三藏³地婆訶羅 奉詔譯

佛說五蘊,謂色蘊、受蘊 想蘊 行蘊 ` 識蘊

云何色蘊?

謂四大種及大種所造色。

云何四大種?

謂地界、水界、火界、風界。

此復云何?

謂地堅性、水濕性、火煖性、風輕性 4。

界者,能持自性 5、所造色故。

云何四大所造色?

謂眼根、耳根、鼻根、舌根、身根、

色、聲、香、味及觸一分、

⁵性=相【宋】【元】【明】【宮】 4輕性==輕動性【宋】【元】【明】【宮】 2〔大唐〕-【宋】【元】【明】【宮】 1〔一卷〕-【宋】【元】【明】【宮】

造者,因義。

根者,最勝自在義、主義、增上義,是為根義。

所言主義,與誰為主?

謂即眼根與眼識為主,生眼識故;

如是乃至身根與身識為主,生身識故。

云何眼根?

謂以色為境,淨色為性。

謂於眼中一分淨色,如淨醍醐。

此性有故,眼識得生,無即不生。

云何耳根?

謂以聲為境,淨色為性。

謂於耳中一分淨色。

此性有故,耳識得生,無即不生。

云何鼻根?

謂以香為境,淨色為性。

謂於鼻中一分淨色。

此性有故,鼻識得生,無即不生。

云何舌根?

謂以味為境,淨色為性。

謂於舌上周遍淨色。

有說,此於舌上有少不遍,如一毛端。

此性有故,舌識得生,無即不生。

云何身根?

謂以觸為境,淨色為性。

謂於身中周遍淨色,

此性有故,身識得生,無即不生。

云何色?

謂眼之境,顯色、形色及表色等。

顯色有四種,謂青、黃、赤、白。

形色謂長短等。

云何聲?

謂耳之境,

執受大種因聲、非執受大種因聲、 俱大種因聲。

諸 6心、心法,是能執受;

蠢動之類,是所執受。

執受大種因聲者,如手相擊、語言等聲

非執受大種因聲者,如風林、駛水等聲。

俱大種因聲者,如手擊鼓等聲。

云何香?

謂鼻之境,好香、惡香、平等香。

好香者,謂與鼻合時,於蘊相續有所順益

惡香者,謂與鼻合時,於蘊相續有所違損。

平等香者,謂與鼻合時,無所損益。

云何味?

謂舌之境,甘、醋、醎、辛、苦、淡等。

云何觸一分?

謂身之境,除大種,

謂滑性、**澁**性 7、**重**性 輕性 、冷、飢 、渴等。

滑謂細軟,澁謂麁強,重謂可稱,輕謂反是。

煖欲為冷,觸是冷因,此即於因立其果稱。

如說諸佛出世樂、演說正法樂、

眾僧和合樂、同修精進樂。

精進勤苦,雖是樂因,即說為樂,此亦如是。

欲食為飢、欲飲⁸為渴,說亦如是。

已說七種造觸,及前四大---十一種等。

云何無表色等?

謂有表業、三摩地所生 無見無對色等。

有表業者,謂身、語表,此通善、不善、無記性。

所生色者,謂即從彼善、不善表所生之色。

此不可顯示,故名無表。

三摩地所生色者,謂四靜慮所生色等。

此無表色,是所造性,名善律儀、不善律儀等,

亦名業,亦名種子。

如是諸色, 略為三種:

一者可見有對,

二者不可見有對,

三者不可見無對。

是中

可見有對者,謂顯色等。

不可見有對者,謂眼根等。

不可見無對者,謂無表色等。

【經文資訊】《大正新脩大藏經》第 31 册 No. 1613 大乘廣五蘊論

[∞]飲──飢【宋】【元】【明】【宮】